

Powšitkowne WOZJEWJENJA

njedźelu, 8. februara 2026

Wustajeńca wo nabožnych hrach

W Chróšćanskim Hórnikowym domje móža sej zajimcy hišće tutu njedźelu, 8. februara, po nyšporje, kotryž so w 14.00 hodź. zahaji, hač do 17.00 hodź. wustajeńcu wo nabožnych hrach wobhladać, kotrež buchu w Serbach wot 1877 do 2025 předstajane. Jurij Špitank je přehladku w nadawku Towarstwa Cyrila a Metoda z.t. (TCM) zestajał. Wón tež po njej powjedže. Po tym ju wottwarja.

Kemše na swjateju Cyrila a Metoda

Patronatne kemše Towarstwa Cyrila a Metoda z.t. budu sobotu, 14. februara, we 8.00 hodź. w Róžeńčanskej cyrkwi. Wšitcy wěriwi su wutrobnje přeprošeni.

Prózdniński poskitk w Serbskim muzeju

„Zaškleńčna mólba“ je hesło prózdnińskeho poskitka za zajimcow wot sydom lět, kotryž wotměje so wutoru, 10. februara, wot 10.00 do 12.30 hodź. w Budyskim Serbskim muzeju. Krok po kroku nałožuja wosebitu wumělsku techniku, tak zo nastanje na škleńcy hotowa molowanka. Za wudawki zběraja přinošk we wysokosći 6,50 eurow. Štóz chcył so wobdźělić, měj so za to w muzeju přizjewić, telefonowe čisło (0 35 91) 2 70 87 00.

Serbja w srjedźišću

Tradicije Serbow a jich džensniše žiwjenje steja w srjedźišću dalšeho zarjadowanja w rjedže „Přijomnosć & kultura“ w klóšterskej kofejowni swjateho Michała w Pančicach-Kukowje. Wone wotměje so sobotu, 21. februara. Započatk je w 17.00 hodź. Referent budže předsyda Domowiny Dawid Statnik. Zastupne lisćiki za plaćiznu 30 eurow dóstanu zajimcy jeničce w předpředani w klóšterskej pjekarni kaž tež kofejowni swjateho Michała, telefonowe čisło (03 57 96) 9 94 43.

Lětsa tři putniske jězby do Erfurta, sewjerneje Němskeje a Awstriskeje

Na tři putniske jězby přeprošuje Radworske Šmitec-Schwarzec wozydłownistwo lětsa w běhu lěta. Přenja powjedže wot pjatka do wutory, 26. do 30. junija, (wot wozydłownistwa korigowany termin) na pasionske hry do awstriskeho St. Margarethena. Nimo toho poskićuja kołojezby.

Lětuša serbska putniska jězba pod heslom „Wěra zetka hudźbu“ budže wot póndžele do štwórtka, 10. do 13. awgusta. W Erfurće wopytaja wobdźělnicy mjez druhim klóšter awgustinow a tamniši měšniški seminar. Dale wobdźěla so na Erfurtskich domowych swjedženskich hrach, hdžež předstaja musical „Jesus Christus Superstar“.

Zdobom zarjadowuje Drježdžansko-Mišnjanske biskopstwo wot srjedy, 30. septembra, do njedžele, 4. oktobra, chórowe putnikowanje do Greifswalda, Stralsunda kaž tež na kupu Usedom. Dny wobsahuja zhromadne proby a Bože služby. Na jězbje wobdźělić móža so wšitcy, kiž rady spěwaja, byrnjež čłonojo chórow njebyli, runje tak kaž wšitcy, kotřiž njespěwaja, ale chcedža křesćansku zhromadnosć dožiwić. Přizjewjenja přijimuje Šmitec-Schwarzec wozydłownistwo, telefonowe čisło (03 59 35) 28 60.

Molowanski kurs w Smochćicach

Kurs eksperimentelneho molowanja z wolijowymi barbami budže sobotu a njedźelu, 14. a 15. februara, w Smochčanskim kubłanišću swjateho Bena. W džěłarničce posrědkuje referent Günther Scheer mjez druhim rjemjeslniske zakłady wolijoweho molowanja. Přizjewić so je móžno hač do pjatka, 6. februara. Link k nadrobnišim informacijam je pod www.posol.de podaty.

Sydomtydženska akcija k skrućenju partnerstwa

Što je dostojne a poľneje hódnoty za nas? Kotru hódnotu maš, mamy jedyn za druheho? Kak swoje rozdźěle poľneje hódnoty swjećimy? Kotre wokomiki činja naš čas poľne hódnoty? Tutym a dalšim prašenjam wěnuje so lětuša póstna akcija Džěłoweho zhromadženstwa za katolske swójbne kubłanje (AKF) za pory, partnerstwa a swójbny. Nimo toho předleži tež wersija za swójbny z džěćimi w zakładnošulskej starobje. Tydženske tekstowe impulsy maja k rozmyslowanju a wzajomnej wuměnje mysłow přeprošyć kaž tež k změnje perspektiwy pohnuwać. Tak dóstanu wobdźělnicy ke kóždyj temje darmotnje kóždy tydźeň list – z póštu, z mejlku abo z linkom na šmóratko. Za to měli so hač do tuteje njedźele, 8. februara, přizjewić. Link k nadrobnišim informacijam je pod www.posol.de wozjewjeny.

Bibliske zetkanja w póstnym času

Sydom bibliskich žonow, kotrež su so Jězusa dótknyli steja w srjedźišću wosebiteho zešiwka „Jězusa znova zetkać“ nakładnistwa Stiftung Christliche Medien kaž tež křesćanskeju časopisow LYDIA a JOYCE. Zešiwk je za jednotliwcow, ale tež za swójbne kružki, wosadne skupiny abo modlerske iniciatiwy mysleny a wobsahuje 40 impulsow za póstny čas. W Drježdžansko-Mišnjanskim biskopstwje poskićuja k tomu tež dobrowóľnu digitalnu wuměnu přez platformu Zoom po pjeć srjedach w februaru a měrcu. Za to proša zamołwici wo přizjewjenje hač do tuteje njedźele, 8. februara. Linkaj k nadrobnišim informacijam kaž tež k přizjewjenju stej pod www.posol.de podatej.

Ekumeniski póstny seminar w Smochćicach

Pod hesłom „Najebać wšeho ... za cyrkej rady skutkować“ wotměje so tež lětsa w Smochčanskim kubłanišću swjateho Bena ekumeniski póstny seminar. Po přěních štyrjoch póndźelach póstneho časa su wospjet štyri zarjadowanja planowane. Započatk je stajnje w 19.30 hodź.

Na přěnim zarjadowanju póndźelu, 23. februara, přednošuje dr. Tobias Kläden z Erfurta k temje „Mjez eroziju a relewancu – 6. naprašowanje mjez čłonami cyrkwjow“. Hósc tydźeň pozdžišo, póndźelu, 2. měrca, je profesor dr. Eberhard Tiefensee z Lipska. Hesło jeho přednoška rěka „Pokleće abo žohnowanje – Sekularizacija wčera a džensa“. Na třěćim wječorku póndźelu, 9. měrca, přednošuja dr. Benjamin Stahl a Marlen Rüdiger z Großhartauwa a Norman Reitner z Drježdžan k temje „Wosada w rozmachu – wožiwna wěra/cyrkej“. Z filmowym wječorkom póndźelu, 16. měrca, so rjad skónči. Na wšitke zarjadowanja přeprošuja Ewangelsko-lutherski cyrkwinski wobwod Budyšin-Kamjenc, Budyski dekanat, Towarstwo Cyrila a Metoda z.t. kaž tež Sakski katolski zwjazk za kubłanje dorosćenych (KEBS). Zastup je darmotny.

Hudźbne dalekubłanje

Drježdžansko-Mišnjanske biskopstwo přeprošuje wšěch, kotřiž čestnohamtsce w chórach spěwaja, je nawjeduja, w cyrkwi kantorja, abo na instrumentach hraja respektiwnje chcedža to přichodnje rady činić, na dalekubłanje. Wone budže wot pjatka, 27. februara, do njedźele, 1. měrca, w Smochčanskim kubłanišću swjateho Bena. Za to měli so do toho přizjewić. Link na to a wjace informacijow nańdu pod www.posol.de.

Putniska jězba do Israela

Pod hesłom „Zhromadnje po puću“ steji putniska jězba do Israela, kotraž wotměje so wot póndžele do póndžele, 2. do 9. nowembra. Přewodźeć budu ju cistercienski pater dr. Johannes Müller z klóštra Marijineje hwězdy a Enrico Scholze z Hellendorfa. Jězbu poskića zhromadnje z pućowanskim běrowom Scuba-Reisen ze Stuttgarta. Přizjewjenja su hač do pjatka, 7. awgusta, móžne. Ličba městnow je wobmjezowana. Link k nadrobnišim informacijam je pod www.posol.de podaty.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Za to trěbnu wědu posrědkuja w zakładnym kursu, kotryž wotměje so wot 4. měrca hač do 18. apryla trójce srjedu wot 17.00 do 20.00 hodź. kaž tež trójce sobotu wot 9.00 do 15.00 hodź. Na to scěhuje dohromady 20hodžinski praktikum z dalšimi štyrjomi zetkanjemi. Pohłubšacy kurs je w septembru planowany. Štóž chcył wukublanje absolwować, měł so pola hospicnej služby Carity w Kamjencu pod telefonowym číslom (0 35 78) 37 43 12 abo z mejlku na hospiz@caritas-oberlausitz.de přizjewić. Flajer z dalšimi informacijemi a terminami je pod www.posol.de podaty.

Wo temach pisać, wo kotrychž hewak nchtó njerěči

Projekt „Wobydlerjo činja žurnalizm“ Lipšćanskeje uniwersity přeprošuje wosoby wot 18 lět ze Sakskeje, so z wobydlerskim žurnalistom stać a wo temach ze swojeho regiona rozprawjeć, wo kotrychž hewak nchtó njerěči. Wobdžělenje je darmotne, nježada sej žane předznajomosće, ma so derje z powołanjom a swójbu zjednočić dać. Planowane su džěłarnički k žurnalistiskemu rjemjeslniskemu gratej, podpěra přez profesionalneho žurnalistu a wozjewjenje tutych přinoškow. Projekt zahaji so w měrcu 2026 w Kamjencu, Budyšinje a Wojerecach. Trać ma wón dohromady něhdze tři měsacy. Na dwěmaj abo třoch sobotach sposrědkuja zakłady. Dalše krótke zetkanja budu digitalne. Wobdžělenje je darmotne. Zajimcy měli so hač do soboty, 28. februara, z mejlku na buergerjournalismus@uni-leipzig.de přizjewić. Městna su wobmjezowane. Wjace pod www.posol.de.